


大毘婆沙論

才一百三十一

三百八十五  
性一

50563



阿毗達磨大毗婆沙論卷第三百三十一 性

五百大阿羅漢等造 三藏法師 玄奘奉 詔譯

大種蘊第五中大造納息第一之五

如契經說鄔揭羅長者白佛言世尊我於一時自手執杓施僧飲食時有天神空中語我長者當知此阿羅漢果此阿羅漢向此不還果此不還向此一來果此一來向此預流果此預流向此持此犯我於今時雖聞彼語自省無有不平等心於僧眾中等心而施問彼天神者為是誰耶復何因緣來語長者有作是說是魔眾天欲為長者善品留難有說是鬼以虛誑言惑亂長者有餘師說彼是長者

常所祭天故來空中示導長者福田差別有  
餘復言彼是長者過去親屬生在天中以誠  
實言汲引長者問若是長者過去親屬於預  
流向云何能知見道迅速非其境故答預流  
向有二種一者世俗二者勝義得頌決擇分  
名爲世俗已入見道名爲勝義住世俗向是  
彼天境若勝義向舍利子等尚不盡知況彼  
天等彼天所示但是世俗能受長者所施食  
故亦有餘經說勝義向如世尊告婆柁梨言  
若有苾芻是俱解脫我設告彼汝來以身於  
此灣渠爲我作洑婆柁梨聽於意云何彼聞  
我命爲拒逆不將登躡時爲退避不正踐踏

時爲轉側不婆柁梨曰不也世尊復告婆柁  
梨置俱解脫若有苾芻是慧解脫我設告彼  
乃至廣說復置慧解脫說於身證復置身證  
說於見至復置見至說信勝解置信勝解說  
隨法行置隨法行說隨信行佛問彼答一一  
如前有說此經亦說世俗預流果向以見道  
中不能聽受佛語義故評曰此中說勝義向  
於理爲善以說隨信隨法行故問任見道時  
無能聽受佛語義者無異心故如何世尊以  
言告彼荅世尊依彼志樂而說無如是事爲  
分別故假在見道有異分心能受如來此言  
義者必捨見道作所勅事佛意訶責婆柁梨

言住見道中尚從我命况汝遠離一切功德  
而於我所生違逆心是故此中說勝義向  
問長者何故雖聞天語猶於僧中平等心施  
有說僧衆皆是長者一捷椎聲所召集故彼  
作是念此皆是我一捷椎聲之所召集無宜  
於此不等心施有說僧衆受此飲食皆除飢  
渴無差別故彼作是念我施飲食爲除飢渴  
如阿羅漢受我施已飢渴得除具縛異生受  
我飲食亦復如是無宜於此不等心施有說  
長者施僧飲食本意但欲饒益他故彼作是  
念我施飲食爲饒益他不欲自利如阿羅漢  
受我飲食所得饒益毀戒亦是故我今應

等心施有說長者避愛恚故彼作是念若施  
不等僧或於我起愛恚心猶此當招不如意  
果我即於彼便作怨讎何得名爲真淨施主  
有說長者隨佛教故彼作是念如來常說若  
有於一補特伽羅偏心敬養有五過失若有  
一失尚不應爲何況於五有說長者不望報  
故彼作是念施果異熟惟欲界受我若命終  
當生色界施果於我便爲無益設當有益尚  
不希求况復無益故我但應平等心施有說  
長者敬出家故彼作是念我離欲染得不還  
果猶於居家眷屬財不能棄捨諸出家者  
雖有具縛而於居家眷屬財產能棄能捨能

不積集受佛禁戒盡壽修行純一圓滿清淨  
梵行設有失念毀犯戒者深生慙耻常希清  
淨若在居家不能如是故我於此應等心施  
有說長者重儀相故彼作是念諸出家人剃  
髮染衣儀相同佛持戒破戒俱令世間瞻觀  
生福爲作福田故我於中應等心施有說長  
者荷佛恩故彼作是念我依佛法獲得忍智  
金剛杵劔摧破二十身見山峯斷截無邊惡  
趣根本作有邊際定趣涅槃於四諦中慧眼  
清淨盡下分結出欲淤泥故我不應於佛弟  
子心不平等而行惠施有說長者顯自所得  
覺慧堅牢不可轉故彼作是念我慧堅牢真

隨天言輕有轉變故於僧衆施心平等顯已  
如是故來白佛

如契經中佛告慶喜施食有二果無差別一  
者菩薩受彼食已證得無上正等菩提二者  
如來受彼食已入於無餘大涅槃界問初受  
食者有貪瞋癡後受食者貪瞋癡盡何緣施  
果無差別耶答由思及田有偏勝故佛依偏勝  
說果無差謂初難陀難陀跋羅姊妹二人聞  
說菩薩受十六轉甘味乳糜必當得成無上  
等覺歡喜勇躍發殊勝思持上乳糜奉施菩  
薩菩薩食已即於是夜降伏魔軍成等正覺  
女聞倍喜更起勝思彼所施田雖非殊勝由

思勝故能招勝果。準陀於佛將涅槃時見佛  
身形少如衰變。又聞不久必入涅槃。戀慕不  
堪。其心擾亂。殊勝思願不能現前。然由勝田  
能招勝果。佛依此故說無差別。有作是說。欲  
遮準陀變悔心。故如彼經說。佛告阿難。若彼  
準陀工巧之子。或他所引。或自尋思於施食  
中而生變悔於難得事。便爲不得難得事者。  
所謂諸佛將涅槃時。最後供養彼若生變悔  
者。汝便應以六處而勸喻之。謂施食因緣能  
招長壽。色力樂譽富貴。臣僚我從世尊親聞  
是事。施食有二果無差別。一者菩薩受彼食  
已。證得無上正等菩提。二者如來受彼食已。

入於無餘大涅槃界復應告彼準隨當知於  
施食中若生變悔汝於如是難得事中便為  
不得如失菩薩將成佛時奉施乳糜所生勝  
福慎莫變悔由此故言二果無別有說二時  
俱能資益離染身故謂食於消化時能作食  
事佛於後夜成正覺時彼食消化如成正覺  
涅槃亦尔故說二施果無差別有說初受食  
已證得佛法後受食已受用佛法得修習修  
說亦如是有說初受食已便入一切靜慮解  
脫等持等至後受食已亦入一切靜慮解脫  
等持等至有說初受食已渡煩惱河後受食  
已渡生死河有說初受食已凋煩惱海後受

食已涸生死海如是拔煩惱樹拔生死樹破  
煩惱山破生死山越煩惱依越生死依說亦  
如是有說初受食已棄捨集諦後受食已棄  
捨苦諦有說初受食已證入道諦後受食已  
證入滅諦有說初受食已捨集入道後受食  
已捨苦入滅有說初受食已超越諸漏後受  
食已超順漏法有說初受食已超四瀑流後  
受食已超順流法如流順流說超差別如是  
梘順梘取順取身繫順身繫諸蓋順諸蓋說  
超亦亦有說初受食已摧破二魔謂煩惱魔  
自在天魔後受食已亦破二魔謂蘊魔死魔  
有說初受食已入有餘大涅槃界後受食已

入無餘大涅槃界佛依如是種種因緣說二  
種施果無差別

大種蘊第五中緣納息第二之一

大種與大種為幾緣如是等章及解章義既  
領已當廣分別問何故作此論答欲止譬喻  
者所說故彼說緣性非實有法問彼何故作  
是說答依契經故如契經說無明緣行行相  
有異無明一相如何一相無明為緣生異相  
行而緣是實尊者亦說緣是諸師假立名号  
體非實有亦為遮止如是所說顯示諸緣體  
是實有若諸緣性非實有者則一切法皆非  
實有以因緣攝一切有為法等無間緣攝過

去現在除阿羅漢最後心聚餘心心所法所  
緣緣增上緣攝一切法故又若緣性非實有  
者應不施設諸法甚深謂法不依因緣觀察  
則諸法性麁淺易知若以因緣而觀察者則  
甚深義過四大海惟佛能知非餘所測又若  
緣性非實有者應不施設有三菩提謂以上  
智觀因緣故得佛菩提以中智觀得獨覺菩  
提以下智觀得聲聞菩提又因緣性非實有  
者應不施設有三品慧謂下品慧應常下品  
中應恒中上應恒上無實緣力令增減故若  
尔便無師徒教習又師徒性應無改轉尊者  
妙音亦作是說若緣非實師不應令弟子覺

慧轉下作中轉中作上無修習緣令增長故  
師徒教誨應不得成師應常師弟子亦介由  
如是等所說理故知緣自性決定實有問若  
緣實有當云何通譬喻論師所引經義荅無  
明雖一作用有多多用為緣生異相行以有  
為法隨託衆緣有無量門作用別故譬如一  
士而有五能而不相違彼亦如是有說為顯  
諸有為法自性羸劣不能自起必藉他緣無  
實作用無有自在故作斯論此中自性謂法  
自體或云此顯所生諸法自性羸劣以羸劣  
故有藉四緣或三或二方得生起尚無有法  
藉一緣生況無所藉如羸病者必假若四若

三若二所倚任緣而得起轉尚無假一況舍  
不假或云此顯能生因緣自性羸劣以羸劣  
故或四或三或二相資方能生法如羸劣者  
或四或三或二相假能辦一事如契經說色  
是無常色之因緣亦無常性無常所起色云  
何常由諸有為性羸劣故不能自起謂彼無  
力可能自生由不自生故藉他起要假緣力  
方能得生故由藉他緣故無作用謂法無欲作  
是念言我應作誰誰令我作無作用故則無  
自在謂我勿起我勿滅中諸有為法不自在  
故有說為遣諸緣起愚故作斯論緣起愚者  
謂彼聞說無明緣行乃至生緣老死便謂惟

此是緣起法今欲決定顯示從緣所生內外諸法皆是緣起由此等緣故作斯論

大種與大種為幾緣答因增上因者二因謂俱有同類俱生互相望為俱有因前生與後生為同類因增上者謂不礙生及惟無障此依種類揔相而說然四大種有十一種謂眼處所依乃至法處所依眼處所依與眼處所依為因增上與餘所依但一增上乃至法處所依與法處所依為因增上與餘所依但一增上眼處所依大種復有二種謂左與右左與左所依為因增上與右所依但一增上右與右所依為因增上與左所依但一增上左

眼所依大種復有二種謂所長養及異熟生  
長養與長養為因增上與異熟生但一增上  
異熟與異熟為因增上與所長養但一增上  
異熟大種復有二種謂善業異熟及不善業  
異熟善業異熟與善業異熟為因增上與不  
善業異熟但一增上不善業說亦尔善業異  
熟大種復有二種謂天及人天與天為因增  
上與人但一增上人說亦尔天大種復有二  
種謂欲界及色界欲界與欲界為因增上與  
色界但一增上色界說亦尔色界大種復有  
四種謂初靜慮乃至第四靜慮初靜慮與初  
靜慮為因增上與餘靜慮但一增上乃至第

四靜慮說亦尔不善業異熟大種復有三種  
謂地獄傍生餓鬼地獄與地獄為因增上與  
餘二但一增上傍生餓鬼說亦尔如說異熟  
長養亦尔如說左右亦尔如說眼處所依大  
種乃至法處所依大種亦尔此中異者謂五  
外處有自他身情非情等差別應思問同趣  
同地處所差別展轉相望為有因不有說無  
因此不應理應有大種是刹那故謂五淨居  
所有大種無始生死曾未起故諸所造色十  
一種等准前大種廣說應知大種與所造色  
為幾緣答因增上因者五因謂生因依因立  
因持因養因增上者謂不礙生及惟無障有

說大種與所造觸為同類因此不應理大種  
所造觸非同類故所造色與所造色為幾緣  
答因增上因者三因謂俱有同類異熟增上  
者謂不礙生及惟無障此揔相說差別說者  
准前大種如理應思所造色與大種為幾緣  
答因增上因者一因謂異熟因增上者謂不  
礙生及惟無障有說造觸與諸大種為同類  
因此不應理造觸大種非同類故  
大種與心心所法為幾緣答所緣增上所緣  
者謂與身識彼相應法及與意識彼相應法  
為所緣身識及相應法取自相意識及相應  
法取自相共相增上者如前說心心所法與

心心所法為幾緣荅因等無間所緣增上因者五因謂相應俱有同類遍行異熟等無間者謂心心所法等無間心心所法現在前所緣者謂心心所法與心心所法為所緣增上者如前說心心所法與大種為幾緣荅因增上因者一因謂異熟因增上者如前說大種與眼處為幾緣荅因增上因者五因謂生等五增上者如前說眼處與眼處為幾緣荅因增上者如前說眼處與大種為幾緣荅一增上增上義如前說如眼處耳鼻舌身香味處亦尔大種與色處為幾緣荅因增上因者五因謂生等五增上

者如前說色處與色處為幾緣答因增上因  
者二因謂同類異熟增上者如前說色處與  
大種為幾緣答因增上因者一因謂異熟因  
增上者如前說如色處聲觸處亦尔惣說雖  
然而義有異謂大種與聲處為因增上因者  
五因謂生等五增上者如前說聲處與聲處  
為因增上因者一因謂同類因增上者如前  
說聲處與大種為因增上因者一因謂異熟  
因增上者如前說大種與觸處為因增上因  
者七因謂生等五及俱有同類增上者如前  
說觸處與觸處為因增上因者七因謂生等  
五及俱有同類增上者如前說觸處與大種

為因增上因者二因謂俱有同類增上者如  
前說大種與意處為幾緣答所緣增上所緣  
者謂與身識意識為所緣身識取自相意識  
取自相共相身識取時若一若多廣如前說  
意處與意處為幾緣答因等無間所緣增上  
因者三因謂同類徧行異熟等無間者謂意  
處等無間意處現在前所緣者謂意處與意  
處為所緣增上者如前說此依種類揔相而  
說然意處有六種謂眼識乃至意識此中眼  
識與眼識為因等無間增上非所緣因者二  
因謂同類異熟等無間者謂眼識等無間眼  
識現在前增上者如前說非所緣者以眼識

惟緣色眼識非色故如眼識與眼識眼識與  
耳鼻舌身識亦尔眼識與意識為因等無間  
所緣增上因者二因謂同類異熟等無間者  
謂眼識等無間意識現在前所緣者謂眼識  
與意識為所緣增上者如前說如眼識對六  
識耳鼻舌身識對六亦尔意識與意識為因  
等無間所緣增上因者三因謂同類遍行異  
熟等無間者謂意識等無間意識現在前所  
緣者謂意識與意識為所緣增上者如前說  
意識與眼識為因等無間增上非所緣因者  
三因即同類遍行異熟等無間者謂意識等  
無間眼識現在前增上者如前說非所緣者

以眼識惟緣色意識非色故如意識對眼識  
意識對餘識亦尔問眼等五識展轉無間現  
在前不荅諸瑜伽師說眼等五識展轉無間  
不現在前皆從意識無間生故阿毗達磨諸  
論師言眼等五識展轉皆得無間而起若不  
尔者違根蘊說如彼說苦根與苦根為因等  
無間增上非所緣意處與大種為幾緣荅因  
增上因者一因謂異熟因增上者如前說  
大種與法處為幾緣荅因所緣增上因者七  
因謂生等五及俱有同類所緣者謂與身識  
相應法及意識相應法為所緣增上者如前  
說法處與法處為幾緣荅因等無間所緣增

上因者五因即相應等五等無間者謂法處  
等無間法處現在前所緣者謂法處與法處  
為所緣增上者如前說法處與大種為幾緣  
答因增上因者三因謂俱有同類異熟增上  
者如前說

大種與眼根為幾緣答因增上因者五因謂  
生等五增上者如前說眼根與大種為幾緣  
答一增上增上義如前說如眼根耳鼻舌身  
男女根亦尔大種與命根為幾緣答一增上  
增上義如前說命根與大種為幾緣答一增  
上增上義如前說大種與意根為幾緣答所  
緣增上所緣增上義皆如前說意根與大種

爲幾緣答因增上因者一因謂異孰因增上者如前說如意根樂苦喜憂捨信精進念定慧根亦尔大種與未知當知根爲幾緣答所緣增上所緣者謂諸大種與苦忍苦智集忍集智及相應根爲所緣增上者如前說未知當知根與大種爲幾緣答一增上增上義如前說如未知當知根已知根具知根亦尔問大種對處問答有三何故對根問答惟二答彼造論者意欲尔故謂所造論隨彼意欲而造論但令不違法相不應責其所以有說此是有餘之說有說此中現種種文種種說莊嚴於義今易解故有說此中現二門二格了

至廣說有說諸根即處所攝若說處當知已  
說根是以不問有說此中廣略漸次謂初四  
問次三後二由前廣說後可准知爲去繁文  
漸略而說

問色法於色法有同類因耶答西方諸師譬  
喻尊者說色於色無同類因對法諸師說色  
於色有同類因如前雜蘊同類因中已廣分別  
何故四大種一生一住一滅而不相應心心  
所法一生一住一滅說名相應答如四大種  
或減或增心心所法則不如是此中生者謂  
生所生住者謂住所住及異所異減者謂減  
所減問諸有爲法各有生住滅何故乃言一

生一任一滅。答有因緣故。說各有生。任滅謂各別有諸相相。故非一相有因緣故。說一生一任一滅。謂皆不離一刹那時。等於一時。生住滅。故問四大種體有增減。不設。亦何失。二俱有過。若有增減。寧不相離。所以者何。若堅物中地極微多。水火風少。地微隨與水等量。雜餘則相離。乃至動物說亦如是。若無增減。水石等物不應得成堅。湏等異。答應言。六種體有增減。問若亦云。何名不相離。答雖有增減而不相離。以展轉相資。同作所作。故如堅物中。雖地微多。水火風少。然離水等地微不能作所作事。乃至動物說亦如是。如多村邑。

共營一事雖有人數多少不同而互相須不可相離問心心所體亦有增減如何乃言則不如是謂心所法於三界三性有漏無漏諸心聚中有多有少答由事等故不名增減若一心中有二想一受等可名增減然一心中一想一受等故異大種有說大種體無增減問石等云何堅溲等異答大種勢力有增微故如堅物中四大極微體數雖等而其勢力地極微增乃至動物說亦如是如一兩鹽和一兩麩置於舌上鹽生識猛麩生識微此亦如是水酢均和生舌識喻針鋒鳥翮生身識喻廣說亦尔問心心所法亦用有增微如指

屢利根鈍故鈍根如何言不如是耶答如四大種勢力麤顯增微易了是以說之心心所法則不如是由此大種不說相應又心心所法皆有所緣四大種無所緣非無所緣法可說相應所以者何心心所法有所依有行相有發悟故必有所緣有所緣故恒相應不相離四大種與此相違故無所緣無所緣故雖不相離而不相應不相離有二種一大種不相離共造一色故二心心所法不相離共緣一境故五蘊雖復同在一身無此二事非不相離是故大種不說相應

問云何得知此四大種恒不相離答自相作

業一切聚中皆可得故謂堅聚中地界自相  
現可得故有義極成於此聚中若無水界金  
銀錫等應不可銷又水若無彼應分散若無  
火界石等相繫火不應生又火若無無能成  
熟彼應腐敗若無風界應無動搖又若無風  
應無增長於濕聚中水界自相現可得故有  
義極成於此聚中若無地界至嚴寒位應不  
成冰又地若無船等應沒若無火界應無煖  
時又火若無彼應腐敗若無風界應不動搖  
又風若無應無增長於煖聚中火界自相現  
可得故有義極成於此聚中若無地界燈燭  
等燄應不可迴又地若無不應持物若無水

界應不生流又火若無燄不應聚若無風界  
應不動搖又若無風應無增長於動聚中風  
界自相現可得故有義極成於此聚中若無  
地界觸牆等障應不折迴又地若無應不持  
物若無水界應無冷風又水若無彼應分散  
若無火界應無煖風又火若無彼應腐敗問  
此四大種其相各異展轉相違云何一時不  
相離起尊者世友作如是說言異相相違因  
緣各別非諸相異皆必相違諸不相違而相  
異者容俱時起互不相離如四大種及香味  
觸青黃色等諸有異相而互相違必無一時  
不相離起如薪與火電與稼穡邏呼月輪藥

病明闇

說一切有部發智大毗婆沙論卷第一百二十一 性

焚 慈朗 鵠 揭 上 一 古 反 杓 時 約 汲 引 上 音 急

迅 速 閨 上 反 私 婆 施 可 下 徒 反 苾 芻 上 步 結 類 下 亦 作

菁 菁 濘 渠 定 上 反 如 約 酌 背 拒 逆 巨 上 音 登 躡 輒 下 尼 反 息 俗 二

退 踐 蹈 上 音 賤 評 曰 二 上 音 病 平 捷 稚 上 音 軋 下

乳 糜 碑 下 密 臣 僚 寮 下 音 涸 梔 厄 音 測 反 昌 側 羸 劣

上 力 藉 才 夜 瑜 伽 朱 上 羊 渙 奕 二 同 鹽 字 益 鈔 小 尺

反 重 反 酢 醋 針 鋒 下 音 鳥 翻 下 閑 鈍 徒 困 錫 先 擊

腐 音 燄 字 焰 霄 反 蒲 角 稼 穡 下 音 色 價 邏 呼 反 上 郎 賀

名 羅 也 別 父 燄 字 焰 霄 反 蒲 角 稼 穡 下 音 色 價 邏 呼 反 上 郎 賀

